



Per Rosing-Petersen
Inatsisartunut ilaasortaq
Inatsisartut
/MAANI

§ 37 nr. 2015-088-mut akissut

Inatsisartut Suleriaasianni § 37, imm. 1 naapertorlugu aalisarnermut tunngasunik Naalakkersuisunut apeqquteqarputit. Apeqqutit uannut akisassanngortinneqarsimapput.

Apeqqutit:

1. Royal Greenland A/S Kalaallit Nunaata kitaata avannaani qalerallinnik 1.500 tonsinik ukiut tamaasa pisassinneqartassava?
2. Sooq aalisariutaatileqatigiiffik Royal Pelagic, Royal Greenland A/S-ip piginneqataaffigisaa, ammassannik pisassinneqarsimava?
3. Royal Pelagic-ip, Royal Greenland A/S-ip piginneqataaffigisaata, kilisaataataa inuit nerisassaannik tunisassiornissamut/uninngatitsinissamut akuersissuteqanngikkaluarluni ammassannillu pisassiissutinik pigisaqanngikkaluarluni ammassanik tulaasseriarsimanerigalua akuersaarneqarsinnaava?
4. Kilisaatini Tuneq aamma Tasiilaq, Royal Pelagic-imit pigineqartuni, inuttat akissarsiaasa allagartaat inuttanut Royal Pelagic tunniussisimangila?
5. Royal Pelagic 2014-imi aalisartunik nunanit allamiunik inuttaqarnissamut sooq immikkut akuerineqarsimava?

Akissut:

1 pillugu) Suliffinnik pilersitsinissamut 100 %-imik tulaassuisussaataitanertalimmik 1.500 tonsinik qalerallittassanik Naalakkersuisut aalajangiimmata pisassiissutit Aalisarneq pillugu Siunnersuisoqatigiinnit inassuteqartoqarneratigut neqeroorutigineqarput. Aalisarneq pillugu Siunnersuisartoqatigiit suleqatigiissitaliorput peqatigiillutillu neqeroornissamut piumasaqaatit isumaqatigiissutigalugit.

- Qinnuteqartup aalisakkerivimmut tunitsivissaqarneranut uppersaataat
- Qalerallit aalisakkerivimmut sorlermut tunineqarneri pillugu paasissutissiineq
- Qinnuteqartup pisariaqartinneqartumik piginnaasaqartumik angallateqarneranut uppersaataat
- Suliffiit qassit pilersinneqarnerat aamma qinnuteqartup sunik tunisassiornissaa pilluugu paasitissiineq

Royal Greenlandip piumasaqaatit tamaasa naammassivai qinnuteqartunilu 1.500 tonsinik qalerallinnit suliffinnik amerlanerpaanik pilersitsisinnaasutut missiliuilluni. Eqqarsaasersuutigalugu suliat assigiipput, kisiannili aalisakkeriviit tunisassiarisaanni sulinerup qanoq ingerlanneqarnerani aamma qaleralik qanoq annertutigisooq tunisassiarineqarnerani suut tunisassiarineqarnerini assigiinngitsooqarluni. Aamma

14-04-2015
Sags nr. 2015-113289
Dok. nr. 1929985

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

taamaattumik qinnuteqartut suliffinnik qassinik pilersitsiniarlutik oqaatigisaanni assigiinngitsogarpoq. Royal Greenland allappoq ukiumut suliffinnik 30-nik pilersitsisinnaallutik, tamannalu qinnuteqartunit tamanit qaffasinneraalluni.

Naalackersuisunut pingaarsimavoq suliffiit neriorsuutigineqartut aamma pilersinneqarnerisa qulakkeerneqarnissaat, taamaattumik tunniussinissamut piumasaqaatigineqarluni aalisarnissamut pilersaarussiaq akuerineqassasoq kiisalu suliffiit pilersinneqartut nalilersorneqassasut. Royal Greenlandip aalisarnissamut pilersaarutini Aalisarnermut, Piniarnermut Nunalerinermullu Naalackersuisoqarfimmit akueritippaa aamma suliffiit pillugit nalilersuinini Naalackersuisunut tunniullugu tassani inerniliiisoqarluni aallaqqaammut missiliorneqartunit suliffinnik amerlanerusunik Royal Greenlandip pilersitsisimasoq, ilaatigut tunisassiornermi allannguisoqarnera pissutigalugu.

Salliuutisisoqanngilaq, Royal Greenlandili qinnuteqartunit piumasaqaatinik tamanik naammassisuvoq suliffissanillu amerlanerpaanik pilersitsisinnaalluni.

Pisassiissutit maannakkut Baffin Bugtimi pisassiissutinut nalinginnaasunut ilaalerput taamaallaalli 100 %-imik tulaassuisussaasoqarluni, Kalaallit Nunaata Kitaata Avannaani qalerallitassissutinini allani tamanna 25 %-iulluni.

Avataasiorluni aalisarnermi pisassiissutit aallaaviatigut aalisarnissamut akuersissutit pisassiissutillu pillugit Namminersorlutik Oqartussat nalunaarutaat nr. 9, 17. juli 2014-meersumi § 3, imm. 3 aallaavigineqarpoq, imatut oqaasertaqartoq: *"Imm. 3. Imm. 1 malillugu akuersissut inunnut imaluunniit suliffeqarfinnut ukiup siuliani taamaaqataanik akuersissummik pigisaqarsimasumut qinnuteqartoqarneratigut tunniunneqassaaq."* § 3 imm. 3 aallaavigalugu tunngaviit uku malillugit pisassiissutit agguarneqarput:

1. Pisassiissutit siullermik umiarsuaatileqatigiiffinnut ukiup siuliani taamatut pisassiissuteqarsimasunut agguarneqassapput.
2. Pisassiissutit sinneqassappata pisassiissutit siullermik umiarsuaatileqatigiiffinnut pioreersunut allanut pisassiissutit ilaneqarnissaannik pisariaqartitsisinnaasunut agguarneqassapput.
3. Qulaani allassimasut naapertorlugit pisassiissutinik agguaassinermi pisassiissutit nalingi aallaavigineqassapput aamma umiarsuaatileqatigiit aningaasaqarnikkut napasinnaanerit siullermik qulakkeerneqarnissaa, kiisalu umiarsuaatileqatigiiffiit pioreersut akornanni nalit assigiinnerusumik agguanneqarnissaat eqqarsaatigalugu.
4. Umiarsuaatileqatigiiffinnut nutaarlunnarnut pisassiissutinik tunniussisoqassanngilaq taakku ukioq naallugu aningaasarsiornikkut aalisarnermik napatitsisinnaasumik qulakkeerunneqanngippata.

Tamanna tunngavigalugu pisassiissutit ukiorpassuarni agguanneqartarsimapput. Ukiorpassuarni pisassiissutinik agguaassinermi tunngavigisanik akerliusumik Naalackersuisut siunertaqanngillat imaluunniit Maniitsumi Royal Greenlandip suliffissuani sulisut suliffiiniq arsaarniarneqarnatik. Ingerlatseqatigiiffik alla aalisakkerivimmi isumalluutininik annertuunik aningaasaliisimappat immikkoortumilu annertuumik suliffissaaleqiffiusumi suliffinnik pilersitsisimappat Naalackersuisut soorunami taakku pisassiissutaannik arsaassanngilaat, taakku suliffinnik qulakkeerinnimmata. Pingaarpoq ingerlatseqatigiiffiutigit tamarmik aningaasarsiornikkut napasinnaanerit, taamaalillutik inuiaqatigiinni aningaasaliisinnaallutik siuariartornermillu aamma suliffinnik pilersitsillutik.

2 pillugu) Kalaallit Nunaat immikkoortumi Tunumi – Island – Jan Mayenimi ammassannut naalagaaffiuvoq sinerialik. Ammassat ikerinnarsiortuupput, piffissami sivikitsuinnarmi uumasartut, ammassallu annertussusaat ukiumiit ukiumut allanngorarsinnaallutik. Qangaanilli pisassiissutit EU-mi angallatinit kiisalu Polar Pelagici-imit annertuumik aalisarneqartarput. Aalisarneq pillugu EU-mik isumaqatigiissut naapertorlugu EU kalaallit nunaannut pisassiissutit 70 %-iinik neqeroorfigineqassaaq. EU-li islandip imartaani ammassanniarsinnaangilaq taamaattumillu aasaanerinnaani ammassanniarsinnaalluni, taakku Kalaallit Nunaaniinneranni. 2014/2015-mi pisut tassaasimapput pisassiissutit allanut naleqqiullutik qaffasissimallutik, EU-lu 2014-mi aasaanerani pisassiissutini tamaasa aalisarnissai angumerinngitsoorlugit. Nalinginnaasumik ileqquuvoq EU-mut pisassiissutit aalisarneqanngitsoortut Polar Pelagicimut tunniunneqartarlutik. Royal Greenland Pelagicimiit pisassiissutit aalisarneqanngitsoortut ilaannik pissarsiniarluni qinnuteqartoqarneratigut suliaq Aalisarnermut, Piniarnermut Nunalerinermullu Naalakkersuisoqarfiup Kalaallit Nunaanni Inuussutissarsiortunut tusarniutigalugu nassiuppaa. Taamaalliluni inuussutissarsiortut isumasioreerlugit Royal Greenland Pelagic 2014/2015-mut ammassattassiissutit ilaannik pissarsivoq.

3 pillugu) Islandimi inatsisit naapertorlugit nunat allamiut angallataat, islandip imartaani aalisartut, angallammi tunisassioqusaangillat. Aalisarnermut, Piniarnermut Nunalerinermullu Naalakkersuisoqarfiup uppersarsinnaavaa Royal Greenland Pelagicip angallatai angallammi aalisakkanik qerisunik useqarsimasut, tamannalu islandimi oqartussanit inatsisinik unioqquitsinertut isigineqarluni. Taamaalliluni islandimi inatsisinik unioqquitsisoqarmat islandimi oqartussanik suliaq malersorneqarpoq. Inatsisinik unioqquitsineq Naalakkersuisunit assut ajuusaarutigineqarpoq, kisiannili suliamut iserusunnani, tassa tamanna islandip suliaassarimmagu. Erseqqissaatigineqassaaq angallat pineqartoq ammassannik nerisassiarineqartussanik tulaassinissamut akuersissuteqanngimmat.

4 pillugu) Iluuunngilaq Royal Greenland Pelagicip kilisaatit TUNEQ aamma TASILLAQmi inuttanut akissarsiat allagartaannik tunniussinngitsoorsimanera.

5 pillugu) 2014-mi ikerinnarsiortuni aalisarnermi inuttat pillugit maleruagassaniit immikkut akuersisoqarpoq. Immikkulli akuersinissamut tunngaviusussaavoq immikkut akuersinissamik nalunaaruteqarnissaq sioqqullugu ilinniartitsinissamut pilersaarutiniq nassiussisoqassasoq, tassani takuneqarsinnaalluni inuttanik ilinniartitsineq qanoq qulakkeerneqassanersoq.

Immikkut akuersinerit ingerlatseqatigiiffinit pingasunik qinnuteqaatit tunuliaqutaralugit tunniunneqarput, taakku allallutik ikerinnarsiortuni aalisarnerup iluani piginnaasanik pisariaqartunik inuttanik sulisussarsinissaq ajornartorsiutigineqartoq. Taamaattoqarpoq naak allagarsiisoqaraluartoq. Tassunga atasmik oqaatigineqassaaq avaleraasartuunik aalisarnerup kingunerisaani inuussutissarsiummi nukinnik atuneq annertusineqarmat, aamma qalorsuit ikerinnarsiutit passunneqarneri aqqissuunnerilu aalisarnerni allani qalorsuarnik atuinermiit allaanerulluni. Tamanna pissutigalugu Kalaallit Nunaanni inuit ikitsuararsuit taamatut atortunik pisariaqartutigit misilittagaqarput. Ingerlatseqatigiiffinit marluk ilinniartitaanissamut pilersaarutiniq tunniussippat tamannalu tunuliaqutaralugu immikkut akuerineqarlutik. Ingerlatseqatigiiffiit taakku tassaapput Royal Greenland Pelagic aamma Arctic Prime Fisheries.

Taakku saniatigut oqaatigineqassaaq 2015-mi inuttat pillugit maleruagassaniit immikkut akuersisoqanngimmat.

Inussiarnersumik inuulluaqqusillunga

Karl-Kristian Kruse